



Norges
vassdrags- og
energidirektorat

Til adresseliste

Postboks 5091, Majorstuen
0301 OSLO

Telefon: 22 95 95 95
Telefaks: 22 95 90 00
E-post: nve@nve.no
Internett: www.nve.no

Org.nr.:
NO 970 205 039 MVA
Bankkonto:
7694 05 08971

Vår dato: **13 OKT 2009**

Vår ref.: NVE 200707201-8 ki/eibj

Arkiv: 312 /038.42

Dykkar dato:

Dykkar ref.:

Sakshandsamar:

Eirik Bjørkhaug

22 95 98 31

Sandvik Kraft SUS – Søknad om løyve til å byggje Sandvik kraftverk i Vindafjord kommune, Rogaland – høyring

NVE har motteke ein søknad frå Sandvik Kraft SUS, datert 10.7.2009, om løyve til å byggje Sandvik kraftverk i Sandvikelva i Vindafjord kommune.

Kraftverket vil få ei røyrgate på ca. 850 meter mellom inntak på kote 136 og avlaup på kote 5. Brutto fallhøgde blir 131 meter. Planane omfattar og ein 1,5 m regulering av Sandviktjørna med HRV på kote 136,5 og LRV på kote 135. Naturleg vasstand er kote 136. Røyrtraseen vil bli om lag 850 m og vil i sin heilskap vere nedgraven. Frå eksisterande veg må det anleggast ny permanent veg på om lag 300 m til kraftstasjonen. Middelvassføringa i vassdraget er på ca. 520 l/s og kraftverket er planlagd med ei maksimal slukeevne på 875 l/s. Installasjonen i kraftverket vil vere på omlag 0,95 MW og årleg produksjon vil vere omlag 3,1 GWh. Søkjer legg opp til slepp av minstevassføring på 39 l/s heile året.

Det er òg søkt om løyve etter energilova for bygging og drift av Sandvik kraftverk med tilhøyrande koplingsanlegg og kraftline.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Sandvik Kraft SUS v/Trygve Sandvik på tlf. 52 76 22 32/48 02 07 05 eller e-post: trygv-2@online.no.

NVE ber Vindafjord kommune leggje to eksemplar av søknaden ut til offentleg ettersyn på servicekontoret i rådhuset i Ølen samt i Administrasjonsbygget i Sandalseid fram til **27.11.2009**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.


NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **27.11.2009**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.

Med helsing



Øystein Grundt
seksjonssjef



Eirik Bjørkhaug
avdelingsingeniør

Vedlegg: Søknad til kommunen
 Kunngjeringstekst
 Informasjonsark
 Adresseliste

Adresseliste for: Bygging av Sandvik kraftverk

Handsamast etter: Vassressurslova

Vert kunngjort av NVE ved CIA Media Marketing 1 gong i: Haugesunds Avis

Tal på søknadar	Namn/adresse
4	Vindafjord kommune, Rådhuset, 5580 Ølen
	Fylkesmannen i Rogaland, Postboks 59, 4001 Stavanger
	Rogaland Fylkeskommune, Postboks 130, 4001 Stavanger
	Statens vegvesen, Region vest, Postboks Askedalen 4, 6863 Leikanger
	FNF-Rogaland v/Naturvernforbundet i Rogaland, Postboks 441, 4002 Stavanger
	Naturvernforbundet i Rogaland, Postboks 441, 4002 Stavanger
	NJFF – Rogaland , Postboks 313, 4291 Kopervik
	Stavanger Turistforening, Postboks 239, 4001 Stavanger
	Sunnhordland Kraftlag AS, Postboks 24, 5401 Stord
	Haugaland Kraft AS, Postboks 2015, 5504 Haugesund
	Sandvik Kraft SUS v/Trygve Sandvik, Vestre, 5574 Skjold
1	KM/TOS
1	KD/LAG
1	ER/KEST



- KUNNGJERING -

Sandvik Kraft SUS – Søknad om løyve til å byggje Sandvik kraftverk i Sandvikelva i Vindafjord kommune

NVE har motteke ein søknad frå Sandvik Kraft SUS om løyve til å byggje Sandvik kraftverk i Vindafjord kommune.

Sandvik kraftverk er planlagt bygget i Sandvikelva i Vindafjord kommune. Kraftverket vil få ei røyrgate på ca. 850 meter mellom inntak på kote 136 og avlaup på kote 5. Brutto fallhøgde blir 131 meter. Planane omfattar og ein 1,5 m regulering av Sandviktjørna med HRV på kote 136,5 og LRV på kote 135. Naturleg vasstand er kote 136. Røyrtraseen vil bli om lag 850 m og vil i sin heilskap vere nedgraven. Frå eksisterande veg må det anleggast ny permanent veg på om lag 300 m til kraftstasjonen. Middelvassføringa i vassdraget er på ca. 520 l/s og kraftverket er planlagt med ei maksimal slukeevne på 875 l/s. Installasjonen i kraftverket vil vere på omlag 0,95 MW og årleg produksjon vil vere omlag 3,1 GWh. Søkjer legg opp til slepp av minstevassføring på 39 l/s heile året.

Søknaden vert handsama etter reglane i kap. 3 i vassressurslova og gjeld løyve etter § 8 i same lov. Søknaden med vedlegg er lagt ut til offentleg ettersyn på servicekontoret i rådhuset i Ølen samt i administrasjonsbygget i Sandalseid og på NVE sine nettsider www.nve.no/konsesjonssaker, fram til høyringsfristen går ut. Viss de ønskjer papirutgåve av søknaden, kan de kontakte Sandvik Kraft SUS v/Trygve Sandvik på tlf. 52 76 22 32/48 02 07 05 eller e-post: trygv-2@online.no.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **27.11.2009**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.



RUTINER FOR SAKSHANDSAMING VED SØKNAD OM KONSESJON ETTER VASSRESSURSOVA § 8 DER NVE KAN GI LØYVE

Generelt

Norges vassdrags- og energidirektorat (NVE) har heimel til å gi løyve i saker som ikkje gjeld kraftproduksjon og i saker som gjeld små kraftverk (installert effekt under 10 MW), medan løyve til større kraftutbyggingar vert gjeve av Kongen i statsråd.

Denne orienteringa gjeld saker der NVE kan gi løyve. Føremålet er i gi høyringsinstansane ei samla oversikt over kva vi ønskjer at offentlege forvaltningsmyndigheiter legg vekt på i deira fråsegn.

Handsaming av søknaden fram til endeleg avgjerd

NVE publiserer søknaden med vedlegg på www.nve.no/konsesjonssaker når saka vert lagt ut til offentlig gjennomsyn.

Vi sender samstundes høyringsbrevet til dei kommunane, fylkesmenn, fylkeskommunar, interesseorganisasjonar og statlege forvaltningsorgan som saka vedkjem. Saka vert kunngjort i ei eller fleire aviser i distriktet, og kommunen legg søknaden ut på eit eller fleire offentlege kontor der den kan studerast og eventuelt lånast. Vedlagte adresseliste viser kva for høyringsinstansar som mottok dette høyringsbrevet.

Søkjaren får høve til å gi kommentar til innkomne fråsegner før NVE avsluttar handsaminga. Som eit ledd i handsaminga følgjar ei synfaring der dei som har uttala seg til saka inviterast til å delta.

NVE skal foreta ei vurdering av alle sider ved saka, og står fritt til å vurdere om løyve skal gis og i kva for ein grad. Søknaden og innkomne fråsegner er viktige grunnlag for denne vurderinga.

Dersom NVE gjev løyve, vil vi knytte vilkår til dette, jf. vassressurslova § 26. Vilkåra kan omfatte føresegner om byggefristar, reguleringshøgder, slepp av minstevassføring, godkjenning av planar med omsyn til miljø og tryggleik, tersklar, erosjon, naturforvaltning, fornminne og sanksjonsbestemmingar ved eventuelle brot på vilkåra.

NVE si avgjerd kan påklagast til Olje- og energidepartementet innan tre veker frå det tidspunkt underretninga er kome fram til parten.

Dersom det er søkt om løyve etter energilova for elektriske anlegg i kraftverk og/eller for høgspent overføringsanlegg, vil vi gi naudsynte konsesjonar samstundes med at saka etter vassressurslova avgjerast endeleg.

Kva forventar NVE av høyringsinstansane ?

Føremålet med høyringa er å få synspunkt på dei framlagde planane. Vi ønskjer grunngitte synspunkt på om planane bør gjennomførast, eventuelt val av alternativ eller forslag til avgrensingar i planane. NVE ønskjer òg grunngitte forslag til avbøtande tiltak som kan redusere skadane ved gjennomføring av planane, og forslag til eventuelle vilkår.

Kommunen bør spesielt omtale tilhøve knytt til kommuneplanen. I tillegg bør de gi ei oversiktleg framstilling av tilhøvet mellom den framlagde planen og dei lokale interessa.

Fylkesmannen bør i si fråsegn legge særleg vekt på tilhøva omkring forureining, landbruk, miljø (medrekna biologisk mangfald) og beredskap. Fylkeskommunen bør tilsvarende leggje vekt på kulturminne.

Vi føretrekkjer at fråsegner sendast oss elektronisk via www.nve.no/konsesjonssaker. I tillegg er det mogleg å sende fråsegner per post, NVE, postboks 5091, Majorstua, 0301 Oslo, eller e-post til nve@nve.no